

一心正讀誦正聞持正思惟正修習為諸眾  
生廣宣流布長夜安樂福利無邊時諸大眾  
聞佛說已咸蒙勝益歡喜受持

金光明最勝王經卷第三

場

策勵上初高反秉音丙斗稱下尺證反寧堵

上蘇沒反下音觀梵語闡開反上正作憤俱  
寧堵波此方去塔是也闡開反心煩亂也今  
作闡一搏徒端搗許為反闕二同昌瑜善  
非也上羊朱反下時扇反梵語輪緒那波一  
或去由旬一踰上音真此方四里邬古反  
殄徒典反禎上音貞此方四里暨其器反  
商估下正作禎善也穆也美也暨其器反

金光明最勝王經卷第四

場四

畫三藏法師經淨奉 制 譯

最淨地陀羅尼品第六

爾時師子相無礙光嚴菩薩與無量億眾從  
座而起偏袒右肩右膝著地合掌恭敬頂禮  
佛足以種種華香寶幢幡蓋而供養已白佛

余

磧砂大藏經

金光明最勝王經

卅

第二八册

言世尊以幾因緣得菩提心何者是菩提心  
世尊即於菩提現在心不可得未來心不可  
得過去心不可得離於菩提菩提心亦不可  
得菩提者不可言說心亦無色無相無有事  
業非可造作眾生亦不可得亦不可知世尊  
云何諸法甚深之義而可得知佛言善男子  
如是如是菩提微妙事業造作皆不可得若  
離菩提菩提心亦不可得菩提者不可說心  
亦不可說無色相無事業一切眾生亦不可  
得何以故菩提及心同真如故能證所證皆  
平等故非無諸法而可了知善男子菩薩摩  
訶薩如是知者乃得名為通達諸法善說菩  
提及菩提心菩提心者非過去非未來非現  
在心亦如是眾生亦如是於中二相實不可  
得何以故以一切法皆無生故菩提不可得  
菩提名亦不可得眾生眾生名不可得聲聞  
聲聞名不可得獨覺獨覺名不可得菩薩菩  
薩名不可得佛佛名不可得行非行不可得

行非行名不可得，以不可得故於一切寂靜法中而得安住。此依一切功德善根而得生起。善男子，譬如寶須彌山王，饒益一切。此善提心利衆生，故是名第一。布施波羅蜜，因善男子，譬如大地持衆物，故是名第二。持戒波羅蜜，因譬如師子有大威力，獨步無畏，離驚恐，故是名第三。忍辱波羅蜜，因譬如風輪，那羅延力勇壯，速疾心不退，故是名第四。勤策波羅蜜，因譬如七寶樓觀，有四階道清涼之風來吹，四門受安，隱樂靜慮，法藏求滿足，故是名第五。靜慮波羅蜜，因譬如日輪光耀熾盛，此心速能破滅生死無明闇，故是名第六。智慧波羅蜜，因譬如商主能令一切心願滿足，此心能度生死險道，獲功德寶，故是名第七。方便勝智波羅蜜，因譬如淨月圓滿無翳，此心能於一切境界清淨具足，故是名第八。願波羅蜜，因譬如轉輪聖王，主兵寶臣隨意自在，此心善能莊嚴淨佛國土，無量功德廣

場四

二

利羣生，故是名第九。力波羅蜜，因譬如虛空及轉輪聖王，此心能於一切境界無有障礙，於一切處皆得自在，至灌頂位，故是名第十。智波羅蜜，因善男子，是名菩薩摩訶薩十種善提心，因如是十因，汝當修學。善男子，依五種法，菩薩摩訶薩成就布施波羅蜜，云何為五？一者信根，二者慈悲，三者無求欲心，四者攝受一切衆生，五者願求一切智智。善男子，是名菩薩摩訶薩成就布施波羅蜜。善男子，復依五法，菩薩摩訶薩成就持戒波羅蜜，云何為五？一者三業清淨，二者不為一切衆生作煩惱，因緣三者閉諸惡道，開善趣門，四者過於聲聞獨覺之地，五者一切功德皆悉滿足。善男子，是名菩薩摩訶薩成就持戒波羅蜜。善男子，復依五法，菩薩摩訶薩成就忍辱波羅蜜，云何為五？一者能伏貪瞋煩惱，二者不惜身命，不求安樂止息之想，三者思惟往業，遭苦能忍，四者發慈悲心，成

就衆生諸善根故五者為得甚深無生法忍  
善男子是名菩薩摩訶薩成就忍辱波羅蜜  
善男子復依五法菩薩摩訶薩成就勤策波  
羅蜜云何為五一者與諸煩惱不樂共住二  
者福德未具不受安樂三者於諸難行苦行  
之事不生厭心四者以大慈悲攝受利益方

場四

三

便成熟一切衆生五者願求不退轉地善男  
子是名菩薩摩訶薩成就勤策波羅蜜善男  
子復依五法菩薩摩訶薩成就靜慮波羅蜜  
云何為五一者於諸善法攝令不散故二者  
常願解脫不著二邊故三者願得神通成就  
衆生諸善根故四者為淨法界蠲除心垢故

五者為斷衆生煩惱根本故善男子是名菩  
薩摩訶薩成就靜慮波羅蜜善男子復依五  
法菩薩摩訶薩成就智慧波羅蜜云何為五  
一者常於一切諸佛菩薩及明智者供養親  
近不生厭背二者諸佛如來說甚深法心常  
樂聞無有厭足三者真俗勝智樂善分別四

者見修煩惱成速斷除五者世間技術五明  
之法皆悉通達善男子是名菩薩摩訶薩成  
就智慧波羅蜜善男子復依五法菩薩摩訶  
薩成就方便波羅蜜云何為五一者於一切  
衆生意樂煩惱心行差別悉皆通達二者無  
量諸法對治之門心皆曉了三者大悲悲定

出入自在四者於諸波羅蜜多皆願修行成  
熟滿足五者一切佛法皆願了達攝受無遺  
善男子是名菩薩摩訶薩成就方便勝智波  
羅蜜善男子復依五法菩薩摩訶薩成就願  
波羅蜜云何為五一者於一切法從本以來  
不生不滅非有非無心得安住二者觀一切  
法最妙理趣離垢清淨心得安住三者過一  
切相心本真如無作無行不異不動心得安  
住四者為欲利益諸衆生事於俗諦中心得  
安住五者於奢摩他毗鉢舍那同時運行心  
得安住善男子是名菩薩摩訶薩成就願波  
羅蜜善男子復依五法菩薩摩訶薩成就力

波羅蜜云何為五一者以正智力能了一切  
 衆生心行善惡二者能令一切衆生入於甚  
 深微妙之法三者一切衆生輪迴生死隨其  
 緣業如實了知四者於諸衆生三種根性以  
 正智力能分別知五者於諸衆生如理為說  
 令種善根成熟度脫皆是智力故善男子是

場四

四

名菩薩摩訶薩成就力波羅蜜善男子復依  
 五法菩薩摩訶薩成就智波羅蜜云何為五  
 一者能於諸法分別善惡二者於黑白法遠  
 離攝受三者能於生死涅槃不厭不喜四者  
 具福智行至究竟處五者受勝灌頂能得諸  
 佛不共法等及一切智智善男子是名菩薩

摩訶薩成就智波羅蜜善男子何者是波羅  
 蜜義所謂修習勝利是波羅蜜義滿足無量  
 大甚深智是波羅蜜義行非行法心不執著  
 是波羅蜜義生死過失涅槃功德正覺正觀  
 是波羅蜜義愚人智人皆悉攝受是波羅蜜  
 義能現種種珍妙法寶是波羅蜜義無礙解

脫智慧滿足是波羅蜜義法界衆生界正分  
 別知是波羅蜜義施等及智能令至不退轉  
 是波羅蜜義無生法忍能令滿足是波羅蜜  
 義一切衆生功德善根能令成熟是波羅蜜  
 義能於菩提成佛十力四無所畏不共法等  
 皆悉成就是波羅蜜義生死涅槃了無二相

是波羅蜜義濟度一切是波羅蜜義一切外  
 道來相詰難善能解釋令其降伏是波羅蜜  
 義能轉十二妙行法輪是波羅蜜義無所著  
 無所見無患累是波羅蜜多義

場四

五

善男子初地菩薩是相先現三千大千世界  
 無量無邊種種寶藏無不盈滿菩薩悉見善  
 男子二地菩薩是相先現三千大千世界地  
 平如掌無量無邊種種妙色清淨珍寶莊嚴  
 之具菩薩悉見善男子三地菩薩是相先現  
 自身勇健甲仗莊嚴一切怨賊皆能摧伏菩  
 薩悉見善男子四地菩薩是相先現四方風  
 輪種種妙華悉皆散灑充布地上菩薩悉見

善男子五地菩薩是相先現有妙寶女衆寶  
瓔珞周徧嚴身首冠名華以爲其飾菩薩悉  
見善男子六地菩薩是相先現七寶華池有  
四階道金沙徧布清淨無穢八功德水皆悉  
盈滿盪鉢羅華拘物頭華分陀利華隨處莊  
嚴於華池所遊戲快樂清涼無比菩薩悉見

善男子七地菩薩是相先現於菩薩前有諸  
衆生應墮地獄以菩薩力便得不墮無有損  
傷亦無恐怖菩薩悉見善男子八地菩薩是  
相先現於身兩邊有師子王以爲衛護一切  
衆獸悉皆怖畏菩薩悉見善男子九地菩薩  
是相先現轉輪聖王無量億衆圍繞供養頂

上白蓋無量衆寶之所莊嚴菩薩悉見善男  
子十地菩薩是相先現如來之身金色晃耀  
無量淨光悉皆圓滿有無量億梵王圍繞恭  
敬供養轉於無上微妙法輪菩薩悉見  
善男子云何初地名爲歡喜謂初證得出世  
之心昔所未得而今始得於大事用如其所

願悉皆成就生極喜樂是故最初名爲歡喜  
諸微細垢犯戒過失皆得清淨是故二地名  
爲無垢無量智慧三昧光明不可傾動無能  
摧伏聞持陀羅尼以爲根本是故三地名爲  
明地以智慧火燒諸煩惱增長光明修行覺  
品是故四地名爲焰地修行方便勝智自在

極難得故見修煩惱難伏是故五地名  
爲難勝行法相續了了顯現無相思惟皆悉  
現前是故六地名爲現前無漏無間無相思  
惟解脫三昧遠修行故是地清淨無有障礙  
是故七地名爲遠行無相思惟修得自在諸  
煩惱行不能令動是故八地名爲不動說一

場四

六

切法種種差別皆得自在無患無累增長智  
慧自在無礙是故九地名爲善慧法身如虛  
空智慧如大雲皆能徧滿覆一切故是故第  
十名爲法雲善男子執著有相我法無明怖  
畏生死惡趣無明此二無明障於初地微細  
學處護犯無明發起種種業行無明此二無

明障於二地未得令得愛著無明能障殊勝  
 惣持無明此二無明障於三地味著等至喜  
 悅無明微妙淨法愛樂無明此二無明障於  
 四地欲背生死無明希趣涅槃無明此二無  
 明障於五地觀行流轉無明鹿相現前無明  
 此二無明障於六地微細諸相現行無明作  
 意欣樂無相無明此二無明障於七地於無  
 相觀功用無明執相自在無明此二無明障  
 於八地於所說義及名句文此二無量未得  
 善巧無明於詞辯才不隨意無明此二無明  
 障於九地於大神通未得自在變現無明微  
 細祕密未能悟解事業無明此二無明障於  
 十地於一切境微細所知障礙無明極細煩  
 惱麁重無明此二無明障於佛地  
 善男子菩薩摩訶薩於初地中行施波羅蜜  
 於第二地行戒波羅蜜於第三地行忍波羅  
 蜜於第四地行勤波羅蜜於第五地行定波  
 羅蜜於第六地行慧波羅蜜於第七地行方

場四

七

便勝智波羅蜜於第八地行願波羅蜜於第  
 九地行力波羅蜜於第十地行智波羅蜜善  
 男子菩薩摩訶薩最初發心攝受能生妙寶  
 三摩地第二發心攝受能生可愛樂三摩地  
 第三發心攝受能生難動三摩地第四發心  
 攝受能生不退轉三摩地第五發心攝受能  
 生寶華三摩地第六發心攝受能生日圓光  
 燄三摩地第七發心攝受能生一切願如意  
 成就三摩地第八發心攝受能生現前證住  
 三摩地第九發心攝受能生智藏三摩地第  
 十發心攝受能生勇進三摩地善男子是名  
 菩薩摩訶薩十種發心善男子菩薩摩訶薩  
 於此初地得陀羅尼名依功德力爾時世尊  
 即說呪曰  
 怛姪他 唵 唵 你曼奴喇剎 獨虎獨虎獨  
 虎 耶跋蘇利瑜 阿娑婆薩<sub>下皆同</sub> 耶  
 跋旃達囉 調怛底 多跋達咯叉漫 憚  
 茶鉢喇訶藍 矩嚕莎訶引

善男子此陀羅尼是過一恒河沙數諸佛所說為護初地菩薩故若有誦持此陀羅尼呪者得脫一切怖畏所謂虎狼師子惡獸之類一切惡鬼人非人等怨賊災橫及諸苦惱解脫五障不忘念初地

善男子菩薩摩訶薩於第二地得陀羅尼名

善安樂住

怛姪他

唵箒下里質里質里 唵箒羅

箒羅

喃繕觀繕觀

唵箒里虎嚕虎嚕

莎訶

善男子此陀羅尼是過二恒河沙數諸佛所說為護二地菩薩故若有誦持此陀羅尼呪

者脫諸怖畏惡獸惡鬼人非人等怨賊災橫

及諸苦惱解脫五障不忘念二地

善男子菩薩摩訶薩於第三地得陀羅尼名

難勝力

怛姪他

憚宅枳般宅枳 羯喇撒 高喇

撒

雞由哩憚撒里 莎訶

場四

八

善男子此陀羅尼是過三恒河沙數諸佛所說為護三地菩薩故若有誦持此陀羅尼呪者脫諸怖畏惡獸惡鬼人非人等怨賊災橫及諸苦惱解脫五障不忘念三地

善男子菩薩摩訶薩於第四地得陀羅尼名大利益

怛姪他 室唎室唎 陀弭你陀弭你 陀

哩陀哩你 室利室唎你 毗舍羅波始波始娜 畔陀弭帝莎訶

善男子此陀羅尼是過四恒河沙數諸佛所說為護四地菩薩故若有誦持此陀羅尼呪

者脫諸怖畏惡獸惡鬼人非人等怨賊災橫及諸苦惱解脫五障不忘念四地

善男子菩薩摩訶薩於第五地得陀羅尼名

種種功德莊嚴

怛姪他訶哩 訶哩你 遮哩遮哩你羯喇

摩 你僧羯喇摩 你三婆山你瞻跋

你悉耽婆你謨漢你 碎閻步陞莎訶

善男子此陀羅尼是過五恒河沙數諸佛所  
說為護五地菩薩摩訶薩故若有誦持此陀  
羅尼呪者脫諸怖畏惡獸惡鬼人非人等怨  
賊灾橫及諸苦惱解脫五障不忘念五地  
善男子菩薩摩訶薩於第六地得陀羅尼名  
圓滿智

場

九

怛姪他 毗徒哩毗徒哩 摩哩你迦里迦

里 毗度漢底 嚕嚕嚕嚕 主嚕主嚕

杜嚕婆杜嚕婆 捨捨設者婆哩灑 莎入

悉底薩婆薩埵喃 悉旬觀 曼怛羅鉢

陀你莎訶

善男子此陀羅尼是過六恒河沙數諸佛所

說為護六地菩薩摩訶薩故若有誦持此陀

羅尼呪者脫諸怖畏惡獸惡鬼人非人等怨

賊灾橫及諸苦惱解脫五障不忘念六地

善男子菩薩摩訶薩於第七地得陀羅尼名

法勝行

怛姪他 勺訶上 勺訶下 嚕 勺訶勺訶

勺訶嚕 鞞陸枳鞞陸枳 阿蜜栗多嚕漢  
你 勃里山你 鞞嚕勃枳婆嚕伐底 鞞  
提四枳 頻陀鞞哩你 阿蜜哩底枳 薄  
虎主愈 薄虎主愈莎訶

善男子此陀羅尼是過七恒河沙數諸佛所  
說為護七地菩薩故若有誦持此陀羅尼呪

者脫諸怖畏惡獸惡鬼人非人等怨賊灾橫  
及諸苦惱解脫五障不忘念七地

善男子菩薩摩訶薩於第八地得陀羅尼名

無盡藏

怛姪他 室唎室唎室唎你 蜜底蜜底

羯哩羯哩 嚕嚕嚕嚕 主嚕主嚕 毘陀

弭莎訶

善男子此陀羅尼是過八恒河沙數諸佛所

說為護八地菩薩故若有誦持此陀羅尼呪

者脫諸怖畏惡獸惡鬼人非人等怨賊灾橫

及諸苦惱解脫五障不忘念八地

善男子菩薩摩訶薩於第九地得陀羅尼名



無量門

恒姪他 訶哩旃茶哩枳 俱藍婆喇體野

反觀刺死 拔吒拔吒死 室唎室唎 迦

室哩迦 必室唎 莎蘇活 悉底 薩婆薩

唾喃莎訶

善男子此陀羅尼是過九恒河沙數諸佛所

場四

十

說為護九地菩薩故若有誦持此陀羅尼呪者脫諸怖畏惡獸惡鬼人非人等怨賊灾橫及諸苦惱解脫五障不忘念九地

善男子菩薩摩訶薩於第十地得陀羅尼名

破金剛山

恒姪他 悉提去 蘇悉提去 護折你木

察你 毗木底菴末麗 毗末麗涅末麗

忙揭麗 咽爛若 揭鞞 曷喇恒娜揭鞞

三曼多跋姪嚧 薩婆頰他娑憚你 摩

捺斯莫訶摩捺斯 頰步底 頰室步底

阿喇誓毗喇誓 頰主底菴蜜栗底 阿喇

誓 毗喇誓 跋藍謎 跋羅蚩反火甘 麼莎

入嚧喃喇你喃喇娜 曼奴喇刺莎訶

善男子此陀羅尼灌頂吉祥句是過十恒河

沙數諸佛所說為護十地菩薩故若有誦持

此陀羅尼呪者脫諸怖畏惡獸惡鬼人非人

等怨賊灾橫一切毒害皆悉除滅解脫五障

不忘念十地

爾時師子相無礙光燄菩薩聞佛說此不可

思議陀羅尼已即從座起偏袒右肩右膝著

地合掌恭敬頂禮佛足以頌讚佛

敬禮無譬喻 甚深無相法 衆生失正知

唯佛能濟度 如來明慧眼 不見一法相

復以正法眼 普照不思議 不生於一法

場四

十一

亦不滅一法 由斯平等見 得至無上處

不壞於生死 亦不住涅槃 不著於二邊

是故證圓寂 於淨不淨品 世尊知一味

由不分別故 獲得最清淨 世尊無邊身

不說於一字 令諸弟子衆 法雨皆充滿

佛觀衆生相 一切種皆無 然於苦惱者

常興於救護 苦樂常無常 有我無我等  
 不一亦不異 不生亦不滅 如是衆多義  
 隨說有差別 譬如空谷響 唯佛能了知  
 法界無分別 是故無異乘 爲度衆生故  
 分別說有三

爾時大自在梵天王亦從座起偏袒右肩右  
 膝著地合掌恭敬頂禮佛足而白佛言世尊  
 此金光明最勝王經希有難量初中後善文  
 義究竟皆能成就一切佛法若受持者是人  
 則爲報諸佛恩

佛言善男子如是如是如汝所說善男子若  
 得聽聞是經典者皆不退於阿耨多羅三藐  
 三菩提何以故善男子是能成熟不退地菩  
 薩殊勝善根是第一法印是衆經王故應聽  
 聞受持讀誦何以故善男子若一切衆生未  
 種善根未成熟善根未親近諸佛者不能聽  
 聞是微妙法若善男子善女人能聽受者一  
 切罪障皆悉除滅得最清淨常得見佛不離

諸佛及善知識勝行之人恒聞妙法住不退  
 地獲得如是勝陀羅尼門所謂無盡無減海  
 印出妙功德陀羅尼無盡無減通達衆生意  
 行言語陀羅尼無盡無減日圓無垢相光陀  
 羅尼無盡無減滿月相光陀羅尼無盡無減  
 能伏諸惑演功德流陀羅尼無盡無減破金  
 剛山陀羅尼無盡無減說不可說義因緣藏  
 陀羅尼無盡無減通達實語法則音聲陀羅  
 尼無盡無減虛空無垢心行印陀羅尼無盡  
 無減無邊佛身皆能顯現陀羅尼無盡無減  
 善男子如是等無盡無減諸陀羅尼門得成  
 就故是菩薩摩訶薩能於十方一切佛土化  
 作佛身演說無上種種正法於法真如不動  
 不住不來不去善能成熟一切衆生善根亦  
 不見一衆生可成熟者雖說種種諸法於言  
 詞中不動不住不去不來能於生滅證無生  
 滅以何因緣說諸行法無有去來由一切法  
 體無異故

場四

十二

說是法時三萬億菩薩摩訶薩得無生法忍  
無量諸菩薩不退菩提心無量無邊苾芻苾  
芻尼得法眼淨無量眾生發菩薩心爾時世  
尊而說頌曰

勝法能逆生死流 甚深微妙難得見  
有情盲冥貪欲覆 由不見故受眾苦

爾時大眾俱從座起頂禮佛足而白佛言世  
尊若所在處講宣讀誦此金光明最勝王經  
我等大眾皆悉往彼為作聽眾是說法師令  
得利益安樂無障身意泰然我等皆當盡心  
供養亦令聽眾安隱快樂所任國土無諸怨  
賊恐怖厄難饑饉之苦人民熾盛此說法處  
道場之地一切諸天人非人等一切眾生不  
應履踐及以汗穢何以故說法之處即是制  
底當以香華繒絲幡蓋而為供養我等常為  
守護令離衰損  
佛告大眾善男子汝等應當精勤修習此妙  
經典是則正法久住於世

金光明最勝王經卷第四

十三

場四

駢反一計詰難上每一灑所徧音嗚鳥汶  
但反刑達姪他上捷結反力唵力送力刺音  
囉反力何略反力各漫反莫官音單茶上捷結反力藍力  
反力矩嚕下俱主反力端反時音喃反如音拑反居音攷

陟反里哩反力音弭反彌反娜反如音跋反蒲反未反謨反莫反胡  
陟反蒲未徒反斯反紫反娜反如音旬反殺反音呼勃反蒲反沒反四反鞞反步  
反力栗反吉反噓反各反音胡刀反又反呼反勃反蒲反沒反四反鞞反步  
反力醯反時反刺反即反連反拔反吒反上反皮反又反呼反勃反蒲反沒反四反鞞反步  
反力姪反徒反結反嚶反力反帝反頰反烏反葛反捺反如反達反室反下反竹反爛反力  
反力謎反莫反開反蚩反火反甘反麼反莫反可反履踐反下反音反繒絲反上反疾

金光明最勝王經卷第五

場五

專二藏法師義淨奉制

譯

蓮華喻讚品第七

爾時佛告菩提樹神善女天汝今應知妙幢  
夜夢見妙金鼓出大音聲讚佛功德并懺悔  
法此之因緣我為汝等廣說其事應當諦聽

張列